

紅羊
佚聞

卷之三



民國四年正月一號初版
民國五年五月一號再版



編輯者

徐胡

枕儀

亞鄒

發行者

小說叢報社

印刷者

上海四馬路東
中國圖書公司
和印刷所
二十一號門牌

總發行所

上海三馬路河南路口
小說叢報社
第四百十九號門牌

紅羊佚聞
定價大洋一元

紅 羊 佚 聞

紅羊佚聞總目

序文

題詞

卷上

戰血餘腥錄

卷中

天京秘錄

卷下

從軍速記

附刊

金陵癸甲新樂府

總目

紅羊佚聞附刊

金陵癸甲新樂府

金陵無名氏遺稿
海虞徐枕亞校字

紅

羊

佚

聞

自序

情非真痛則易忘事非親歷則不知苦膽既嘗酸心欲語此所謂象形維肖鄭監門繪流民之圖不平則鳴賈長沙上太息之策也某鐵硯謀生金陵卜宅驚魂烽火翹首雲霓老父依依莫笑處堂之燕雀窮途蹙蹙難撓當道之豺狼（家君年七十六又有痼疾難於行城門禁益厲故謀之年餘未能出）畫出餐風轍手長鑱之柄（老人館當差鐵鋤不釋手）夜歸坐月歐心古錦之囊言積數千篇成五十昔者書懸肘後恐不戒於度關今者稿在腹間未盡忘於覆局（內應事洩城門搜得隻字輒羅織之甲寅四月予奉家君出城後追憶舊作損益成章）老嫗能解非爭勝於長慶中小子何知敢炫才於滕王閣上惟冀削加椽筆采入輶軒言不廢芻蕘好自通夫箕畢悉小民之憔悴振大將之嚴威烟燼無忘珍同敵帚倒懸既解棄茹弁髦可也於虜手握一篇嘔迴九曲空使純鱸憶我未返故鄉豈惟梅鶴累人不得死所三閭無職敢爲楚澤之吟七日有靈且效秦廷之哭

金陵癸甲新樂府五十首

謝河工

附刊 金陵癸甲新樂府

河漢豐北兩年半。國帑已糜六百萬。大臣藉口賊猖狂。不救鴻哀。救魚爛。河工止。那管青徐之民死。不死百姓聞。言猶色喜。大臣之意在彼不在此。

接廷寄

天語煌煌迎賊勦。大臣苦膽小。臘月上旬廷寄來。十四十五船未開。妾送江頭抱頭哭。哭罷焚香祭大靈。陰風慘慘水電集。旌旗無光鼓鼙濕。

失九江

大船日行數十里。兵船旁午更無紀。濡滯一月抵九江。靜坐蓬窗俯流水。賊未至九江。聲言九江危。其實九江猶可支。大兵至九江。未登九江陣。其實九江不可爲。將軍傳令見火走。兵自焚林笑擲手。賊與大兵不相見。兵與將軍未謀面。忽聞兩路賊船來。鳥獸紛紛成一片。

保金陵

失九江。保江寧。江寧乃是東南屏。舳艫覬覦不能速。奪得紅船臥船腹。逆風阻船。恐不免叩頭祭風。風便轉蒼茫。天意人難猜。不驅賊去引賊來。正月十九大將回。百姓面色都成灰。

閉城守

正月十九大將回。賊船廿七乘風來。城外空無一兵守。城裏蒼皇募游手。初募二千五百人。繼募二千五百人。又

募五千成萬數人、日給錢二百文、登城加一倍、吶喊五十錢、雜以槍炮聲、連天分明示之弱、徒令賊、粲然有人氣、於此殺賊玉石不分、將一擊、祁公搖手禁不得、嘔血數升、繼以碧（南門外箐袋行、殺賊無算、城上大員將開炮、擊賊、祁幼章方伯曰、投鼠忌器、勿令箐袋行人與俱死、墮衆心、大員不聽、炮出、祁公捶胸曰、不知殺我多少百姓矣、始嘔血、繼嘔綠水、胆已破矣、越日而死）吁嗟乎、一方伯一縣令、頗以斯民爲性命（縣君謂劉清溪）六十里、城僅恃此、奈何、一生還一死。

掘地道

無兵拒賊、城閉門、城外先遭賊兵、二月初四傳將令、長繩繫之使上城、中有一人、來自賊營、親見淨海寺地道、將掘成、書生上書當路笑、初八出示、民無驚（予爲畫策不用、乃示曰、聞賊有挖地道之說、爾居民慎勿誤聽、傳言自相驚怖）初十天明猶未明、巨甕兩枚、轟城傾、大臣高臥渾無主、兵勇見之散、如雨、城裏賊頭換阿堵、城上縱橫聚狼虎。

破皇城

大城已破、攻皇城、皇城止有八旗兵、賊見旗人、恒切齒、目爲妖魔、專殺此、先到三牌樓、次到西華門、百姓執挺如雲屯、旗營二女逐賊奔（縱兩馬直至淮清橋下、惜未得其姓字）劉公巷戰、督鄉勇朱書十字留血痕（清溪大令率鄉勇五百人轉戰力屈、坐堂上候賊、賊至曰、汝好官、不殺當降我、劉公叱之、書不可傷害吾民、願以身當

附刊 金陵癸甲新樂府

四

旁書上元縣劉赴於通衢赴龍王廟前塘而死。同時力盡慷慨死百姓尤感慈母恩皇城岌岌殆將破大帥乘輿城下過或言行至大中橋輿夫卸肩賊受刀或言湖廣皆同調已入賊營戴風帽（賊官皆戴風帽以紅邊寬窄爲差）君子恥言莫須有定論還需千載後。

催進貢

王者之師如破竹迂儒讀之不忍讀（二月十四日鄰人約進貢或作表章云某處小民某某恭賀恭奏正月廿九日天兵駕到二月初十日即破金陵城所謂王者之師勢如破竹）聊當壺漿簞食迎賤者雞豚貴金玉從此夜郎輒自大煌煌大書恬不怪（勝門首曰奉旨收貢）從此庸人輒自擾嘖嘖危言恐不早可憐剜肉并及骨僞官一笑盡軋沒。

搜財物

刀搶入門聲撲蔽紅綠青黃炫人目傾筐倒篋欲未壓下掘地板上衙屋還恐金銀藏復壁以刀撞壁壁幾覆女子解裙男解襪雙手捫捫墜毫髮前門方出後門入強顏送迎紛未歇土人引路以頤指平日怨慕今日喜噫嘻物無貴賤同時殘如此力量難不難家無大小同時破如此禍災大不大。

當聖兵

人心之靡靡至此乍見紅巾道恭喜製巾不及裹紅布竟布不得裹紅紙拜上帝釘黃補二十五人爲一所司馬

卒長監之。書操井曰。夜擊鼓。君不見東家腐儒年七十。逐隊紛紛去投冊。一鞭驅走作先鋒。妻女無從問消息。

捉兄弟

夜半火光燭戶。牖賊卒淘淘排闥吼。少者壯者捉之走。以髮相牽擁前後行者。忽忽不回顧。居者問人何處去。此去安知生與死。望斷盈盈一江水。

姊妹館

分男行分女行。女人廿五一室藏。女官狎。狎叱私館。戶籍散漫無人管。鷄犬鄰。女官殺之。兒女驚啼。女官笞之。珠玉寶貴。女官携之。米鹽凌雜。女官持之一肩。行李重難舉。沿途拋棄。紛如雨。逢人問路面含羞。今夜棲身在何許。回看老屋成灰堆。千辛萬苦從茲來。

削竹籤

西北山深多竹子。女館往還三十里。鈍刀斫斷兩人扛。舉步蹣跚類有泥。歸來乞人鋸成段。五夜籌燈忙十指。侵晨各送八十斤。插地森森密如齒。上擁塵沙下泥滓。雨淋日炙脆無比。

搓麻繩

予以若干麻。責以若干繩。繩繩相續細於髮。手掌生胼指血凝。私問何爲促工作。外城急需絆馬索。舊繩已朽換新繩。半年以來無馬脚。

盤糧

親覲者倉粟粟者糧。城外擄掠城裏藏。波及女子同奔忙。朝出星有芒。暮歸日無光。昨夜作餅盛一囊。今日卓午充飢腸。稻堆不用升斗量。以手爬稻指甲傷。跋前疐後仆且僵。背若生刺頭堆糠。何人醉飽棲洞房。遑遑夢醒炊黃粱。

擡輓

輓在皇城根。抬至東轅門。輓在南城廂。抬至黃泥岡。數回已遍天昏黃。百長叱咤人踉蹌。取盈偶然竊道左。冷水澆背帶枷鎖。夏日鬱鬱雨如瀉。破衫裹頭泥及踝。冬日烈烈雪如掌。脛沒履穿手落杖。女人私向匠人問。土木經營何日竟。匠人微笑姑應之。日復一日無了期。

割麥

割麥插禾鳥聲不比冤聲多。垢面蓬頭各持剪。驅之出城無近遠。田已荒蕪半無麥。覓得麥田手已軟。子田中暴雨集。自頂至踵無不濕。終朝采采不盈簪。女官督責何以堪。旋歸相顧無人色。當日餅焦還不食。

斫柴

長江蕩蕩黃蘆洲。西風吹老無人收。戛戛炊盡賊婦愁。逼令姊妹腰鎌求。栗烈天寒容易暮。一束芟芟難足數。松楸蕭艾相雜糅。獻之百長幸無怒。歸來喘息明星大。爨底無薪忍飢臥。

掘壕溝

鴉啼一聲。天尚昧。有衣無裳。已成隊。女人不許著裙。城內驅之至城外。母女相失。呼大妹。一鐮。一擔。一箕。一捧。一手污。一步一淚。垂壕溝之深深。几許掘了一處。復一處。老羸瘦死。女館中。周身曾無二尺土。

禁裹足

大者不能小。小亦不能大。斯理最易明。固然無足怪。天機本自然。人心弄狡猾。纖趾幻金蓮。風俗嗟已敗。相習既云久。用別廝養輩。無如赤足婦。相對慙形穢。出令戒纏足。違者遇之。悲輕或施以鞭。重且繫以械。遷怒小過。摘報怨苦。差派鞋幫束脚。鬆鞋底。觸石壞十指。抵地行。奇痛生。蜂蠶趨。又傾跌。此形實狼狽。臃腫又皸瘃。此疾非癖疥。不敢怨。今日性命。原草芥。只是恨當年。阿娘貽我害。

選女孩

今日不幸爲女子。尤不幸爲女子子。列王傳令。選王娘。母女相持。面如死。巡查勒馬立門前。軍帥握鞭。搜館裏大者。逃出館外。頽垣陰小者。逃入阿母破床底。無癢與黥。逃之不得。脫面目。稍平正。居然中簡。拔衣裳。羅綺裝束。脂粉馨香。肆塗抹。從之親戚。叨笑言。不從骨肉。受鞭撻。女官迫促。驢馱去。阿娘肉向心頭割。薄送出門。忍淚歸。吞聲哭。說掌珠奪得。寵爲妃。薦床第。失勢爲奴。掃室闔。有人憔悴倚門。閣膝下。依依渺天末。遙憶田家新嫁娘。麥飯布衣。真快活。

牌尾館

不肯作詔書。文人之徒無其名。不肯當聖兵。武人之徒無其名。不文不武窮無歸。賴有牌尾。猶可依老弱廢疾。并一館二十五人。數剛滿。有子有孫。不能顧。有父有兄。不同住。起居飲食。各自謀。疾痛痾瘵。向誰訴。膠漆朋友。如寇讐。桑梓親情。如陌路。巡查書手。更無狀。一賣零剪一銀匠。睚眦相報。並無仇。摧折播遷。兼誚讓。嗟乎金陵一隅。偶竊據一十八省。猶鞏固不知若輩意云何。可欺人心。不如故賊人。尙肯發慈悲。何必鄉人轉虐遇。

擡鹽

鹽船嵯峨過城堞。五道跳板大繩接。昨夜一雨板尤滑。上船下船人雜沓。潮長繩鬆板搖動。帶水拖泥草鞋踏。失足入水沈忽浮。宛轉呼號人不答。攬身到岸腹已脹。放胆登舟氣先懾。偏視艙中深幾丈。上猶易下下難上。一人縋繩一人束。一推一挽力同彊。委蛇行至城西路。又遇僞官叱留去。重來抬鹽遠道行。幸到巡查未逢怒。平生閱歷幾酸鹹。此味還應兼醋醋。(慈云今日才曉得鹽鹹醋酸)

領稻

牌尾一館廿五人。十日領米一百八十斤。米將不足減之少。少之又少繼以稻。清晨領飛子。先問城南道。施從城南往城北。自朝至暮。殊草草。白叟黃童難跛躄。牛喘蛇行欲傾倒。人可食。鮮可飽。以粟爲米。況未曉。歸來弛負心口商。人窮智生意能造。或以木相剉。或以輓相磋。(去聲)或以甕爲臼。或以石爲磨。遲眠帶月。篩蚤起。臨風簸一

粒一粒。几。上。檢。稻。半。未。開。米。半。破。諸。公。太。息。各。道。苦。我。爲。諸。公。笑。相。賀。不。食。東。陵。盜。路。粟。便。作。西。山。伯。夷。餓。

收菜子

種菜人多去鄉里。巡查有令收菜子。大書某衙某官某統下牌尾來收。此明朝別衙老兄弟拔折令旗怒目視重尋老圃色猶青。捋之掇之手不停。少許褰衣扳之帶。多許作東負之背。炎炎有汗不敢揮。急趁天晴上場晒。老者易軋。迸甲落。嫩者猶濕。應手碎。滿地積纍纍。掃起雜土芥。口吹兼手揚。氣力甚矣。應送去打油。待分惠。十日一人兩勺派。

掃街道

磨來衣。愛。剪。碎。不。問。貴。不。貴。磨。來。食。愛。生。硬。不。問。淨。不。淨。獨。有。街。道。愛。完。整。奉。帚。携。鋤。命。無。梗。腹。飢。過。午。竊。微。憩。竹。板。籐。輾。如。雨。打。今。日。去。草。草。不。青。明。日。一。雨。草。怒。生。今。日。洩。勃。無。所。遺。明。日。牛。馬。還。遺。之。今。日。空。屋。遮。不。惡。明。日。比。戶。抽。炭。屨。朝。朝。糞。除。無。盡。時。清。塵。伺。候。人。伊。誰。

拆妖廟

亂離高隱南山霧。方外猶爲歸宿處。無端忿恨到緇黃。殃及木雕與泥塑。不知老人筋力疲。長梯倚樓樓半危。接瓦人立巖墻下。存亡俱在呼吸時。漢唐之碑一時仆。齊梁之樹一時鋸。縱橫榱桷當薪。瞬息庭階走狐兔。渺茫豈必真有神。能開佛老亦偉人。只嫌立幟排異已。昌黎不許爲功臣。

帶娃崽

男館也搜。女館也搜。斗見幼少。撐雙眸。父母長跪求兒哭。聲啾啾。長髮鬚。鬚奪之。去短刀。壓背繩。牽頭飢進飯。渴奉水。熱揮扇。寒薰被。晝隨馬。後夜床第飽食。煖衣恣游戲。市井惡少。漸歡喜。乃祖乃父。二百年快活。世界無此比。可憐良家子。含垢復忍恥。既不欲生。又不能死。間日省親。難仰視。

禁薙髮

長髮入城。禁薙髮。遇薙髮匠。提刀殺薙髮匠。亦善刀藏。摩頂人難一毛拔。老者茸茸垂兩耳。少者影影漸盈尺。日蒸汗氣頭集蠅。雨黏垢圻益生蟻。日出而作。日入息。偶欲爬梳無暇晷。人言不幸罹水火。黑白不分被人裹。他日大兵倘入城。不能救我將殺我。我言水火望人拯。令我如此誰爲禍。但得大兵肯入城。殺我救我無不可。

禁烟酒

聖恩寬大。不禁烟。烟氣噴作卿雲天。忽爲厲禁。猶有說此物耗血兼損年。無酒學佛有學仙。與爾何仇。爾佛然闖入人館。用鼻嗅。捉影捕風。愁網漏烟筒。酒壺見即奪。縛獻巡查法。不宥笑爾烟具。竈下藏以勺。挹酒酒作湯。賊用大碗盛酒。留以勺使人不疑也。酒酣烟足。聊徜徉。無計消遣。還我賊。

禁偷竊

封菜園。狂夫不許踰柳樊。拆妖廟。梁柱成山。儲木料。偶然拾得名曰偷。鄉鎗繫頸枷上。頭鞭扑還令自道之。枷

號游街令其自言不則打）枷滿七個禮拜期於庫竊國侯竊鉤誅大盜盜城天父賜土著自取爲贖徒同是天堂好子女天父胡爲獨賜汝問之碧翁翁不語

禁妖書

爾本不讀書書於爾何辜爾本不識孔與孟孔孟於爾亦何病搜得藏書論擔挑行過廁溷隨手拋拋之不及以火燒燒之不及以水澆讀者斬收者斬買者賣者一同斬書苟滿家法必犯昔用撐腸今破胆文章浩劫古原有聖賢精靈自不朽卜筮之書并泯滅竊恐祖龍笑其後

天條書

妖書不許讀乃出天條書書中何所云天亦爲之誣天父爺火華天兄名耶穌代贖世人罪十字架上捐其軀又命二太子下凡來掃除太平一統天命扶喜則天父開鴻恩怒則天父調審周錫能（周錫能初從賊繼投賽尙書賊覺而得之）受則死後天堂登威則天兵天將殺氣騰於虛噫嘻天主教三十餘人同號召始猶餓餓示撲滅遂使中原成火燎

敬天父

乾坤父坤稱母不知有母不及禽獸而况自願是誰某乃敢比于天子後不焚香不燃燭一盞油燈影搖綠茶三碗飯三盂隨意羅列腥與蔬朝朝暮暮盡如此七日禮拜猶勤劬錯立讚美聲呶吾讚畢焚表升天衢同時長跪

同默禱。同時蹶起同狂呼。（說殺盡妖魔四字）每飯不忘妖魔除。我兵何故忘區區。我兵縱忍忘區區。惡聲天獨不聞乎。

天下凡

朝名。天國名。天京名。天儘人假托。天無言。盡惑人。恐不足驚傳。天父來凡間。或言天王府中有巾幗。當予東王侍枕席。否則天王筭四百。或言天王思遷河南都。變妖當扑臀之膚。否則天王斫頭顱。有時詰屈不解如亂詩。有時鄙俚不雅如盲詞。展轉取信用女子。有時天父留語已去矣。（東賊府中伺候天父下凡者爲楊水嬌胡大妹或東賊來遲則言天父不及待矣。欺人者亦受人欺也）奇奇怪怪不一途。天若有口應胡盧。

講道理

鑼敲四聲。麾令旗。聽講道理。鷄鳴時。桌有圍椅。有披五更鵠立拱候之日。午一騎紅袍馳戈矛簇擁蕭管吹。從容下馬。嚴威儀。升坐良久。方致辭。我輩金田起義。始談何容易。乃至斯寒暑酷烈山川陰。燄千辛萬苦成帝基。爾輩生逢太平日。舉足便上天堂梯。夫死自有夫妻死自有妻。無怨無惡無悲。嘅妖魔掃書享天福。自有天父天兄爲提携。聽者已倦。講未已。男子命退。又女子。女子癡憨笑相語。不講順理。講倒理。

改正朔

月日期。日曰旦。日月無辜遭改竄。丑曰好。辛曰榮。亥曰開。干支避忌殊怪哉。單月書稱大。雙月書稱小。印板文章。

亦難曉。月小三十日。月大三十有一。節氣安能不失實。三百六旬日加六。堯典煌煌載簡牘。下言閏月定四時。此語如何本會讀。

易服色

上衣下裳黃帝制。制作原垂千萬世。生今反古災及身。奈何不識當王貴。初破城。卽下敕。女子去裙。男去帽。若輩扎巾尻上垂。滾身衣僅一尺奇。凌寒兩足不知冷。下猶單褲下已皮。其實馬褂及袍襖。依舊用我王朝儀。大轍如輪馬前轉。風帽黃邊分貴賤。莫言意造無藍本。村落戲場頗常見。

造宮殿

制軍署作天王府。黃泥岡作東王府。東西對峙相抗衡。不辨誰臣又誰主。木工瓦工千萬人。營營擾擾晨至昏。但有口糧無雇錢。妻孥凍餒空憂煎。天王府中天火災。東王池上水榭頹。今日毀壞明日作。反喜庶民真子來。民房瓦皇城。輒上河水盡蕪湖。盤取不禁用。不竭鹹字雕牆且休說。知否流離去安宅。鴻雁嗷嗷集無澤。

設官府

自言定鼎作天子。龍虎人文應蔚起。儼然則古稱先王。六官之名本周禮。初名司轎改典興。初名牌刀改將使。顧名思義猶有理。春人漿人亦類是。作糕餅名茶心作鐘表名風琴。此語不可通。識者笑且騰。文人貢諛競漢繪。何不點鐵成黃金。肉醬衙作總制。木瓦匠作軍帥。雖逕巡查檢點與侍衛。風帽紅袍都得意。一榜輕書數百人。疑有

文、事、兼、武、備、安、能、盡、挾、兩、石、安、能、盡、識、一、丁、字、

鑄大錢

太公圖法重九府。利用厚生後人祖。下及貨布與泉刀。文字廣輪磨不古。賊人虜得銅無數。大開洪鑪資鼓鑄。誰爲老成垂典型。古來款式都變更。一面直行書太平。商旅不許妄藏市。僞示有云天京乃定鼎之地。安能小作生理。妄通商賈。城裏無用人不爭出城。與人互交易。依舊咸豐通寶行。何異鄆通銅山高插雲。到死一錢仍不名。

徵玩好

宮室車馬及衣服。謁來享盡天堂福。志驕氣盈樂已極。百計營求供大欲。金魚數十缸。珍禽數百籠。去年人獻十四鳳。僞示云。舜時鳳凰來儀。文王時鳴于岐山。我天朝肇基王迹。定有瑞徵。民間不得私藏。人以野鷄十四隻當之。輒大喜。今年命捉千斤龍。夏鼎商彝舉室空。瑤艸琪花掘地窮。竹木槎枒門雕刻。玉石磊落資磨礱。象筋玉杯亡國基。此理若輩安知之。祇惜奏能者。僅爲免寒餓。奉命承教靡不爲。阿諛取容罔敢惰。若將斯意媚天子。戮力同心城不破。

扛龍燈

大王一出風生雄耳邊。先已聞東東。龍燈前兩聲鼓。一聲鑼。每聞琴瑟聲。則知東賊出也。旌旗矛戟光耀空。